
SHANXAY HAMKORLIK TASHKILOTIGA A'ZO DAVLATLAR MILLIY KOORDINATORLARI FARG'ONADA BO'LIB O'TAYOTGAN KENGASH YIG'ILISHI (SHHT MKK) YUQORI SAVIYADA TASHKIL ETILGANINI E'TIROF ETISHDI

Xabar berganimizdek, Farg'ona shahrida O'zbekiston raisligida Shanxay hamkorlik tashkilotiga a'zo davlatlar Milliy koordinatorlari kengashi (ShHT MKK)ning navbatdagi yig'ilishi bo'lib o'tmoqda. Yig'ilish ishtirokchilari matbuotga bergan intervyularida (https://du.uz/ru/press/inner/sh%D2%B3t_milliy_koordinatorlari_ozbekistonning_tashkilotdagi_samarali_raisligini_qollab-quvvatlamoda-vhq) majlisda ko'rilayotgan masalalarning ahamiyati va ushbu tadbirning yuqori saviyada tashkil etilganini ta'kidlamogda.

Ali YERlik, Qozog'iston milliy koordinatori:

- O'zbekiston raisligining harakatlar algoritmi samarali ishlab chiqilgan va ular o'z vaqtida amalga oshirilmoqda. Ekspertlar uchrashuvlaridan tortib vazirliklar o'rtasidagi barcha tadbirlar mazmuni va tashkil etilishi jihatidan juda yuqori darajada o'tkazilmoqda. Asosiysi, ular aniq natijalarga erishishga qaratilgan.

Kazibek Qo'chqonov, Qirg'iziston milliy koordinatori:

- O'zbekiston Shanxay hamkorlik tashkilotiga raislik dasturini ishlab chiqishga o'ta mas'uliyat bilan yondashdi. Nukus, Buxoro va Farg'onada tashkil etilgan barcha tadbirlarga a'lo darajadagi tayyorgarlik ko'rildi. Aytish mumkinki, O'zbekiston raisligi ShHT tadbirlarini o'tkazish uchun sifat jihatidan yangi yondashuvni joriy etdi. Ya'ni O'zbekiston ilk marotaba ushbu tadbirlarni hududlarda o'tkazish amaliyotini boshlab berdi. Bu ShHTga a'zo davlatlar vakillariga Prezident Shavkat Mirziyoyev tomonidan amalga oshirilayotgan keng ko'lamli o'zgarishlarni bevosita ko'rish imkonini beradi. Farg'onaliklar boy dastur bilan bizni qarshi oldi.

Ahmad Saidmurodzoda, Tojikiston milliy koordinatori:

- Shanxay hamkorlik tashkilotining o'zbek qardoshlarimiz raisligida o'tkazilayotgan barcha tadbirlari yuqori saviyada tashkil etilganini alohida ta'kidlashni istardim. ShHT MKKning Farg'onadagi uchrashuvi ham bundan mustasno emas, albatta. O'zbekiston raisligida milliy koordinatorlarning samarali mehnat qilish uchun barcha sharoitlar yaratilgan.

[Bizni ijtimoiy tarmoqlarda kuzating](#)

[Facebook](#), [Telegram](#), [Facebook](#), [YouTube](#), [Instagram](#)

2022-04-28 11:52:15